

Առեր ի հավայն ելեր, պարծեցեալ թէ՛ Որս եմ արել:
Արծիւն այլ է գան լըսել, լօք նըտսր ու շատ մի լացեր.
Յաւերդ ալ իրար եկել 'լ արծըլին ի տես գընացի:
«Արծի՛ւ, ա՛մ, արի՛ թըռի՛, վագի՛, ա՛յ մամում չէ եկել (?):

Ժ Բ .

Աւա՛ղ, թէ մեռնիլ պիտեր եւ մըտնուլ ի հող 'լ ի գընտան,
Փորե՛ն լան ու մեծ տապան, չիթողուն մէկիկ մ'պատուհան:
Օծերն ի ձագերն ասեն թէ՛ Երթա՛նք սորա երեւան.
Առաջ ըզլեգուն ուտենք որ ասել շատ մարդու բուխտան,
Ապա թէ զմարմինն ուտենք որ ելնէ ոսկորն երեւան:

Ժ Գ .

Արեգակն ու լուսնիկան խըմեցին ու եղան մախմուր.
Առաւօտ ի վրայ երեկ, լօք 'լ եղան երկու թուր 'լ ի թուր.
Աստղերդ ալ առաջ եկին, լուսնեկին ասին՝ Դուսն ի լո՛ւր,
Ատոր արեգակ ասեն որ ցաթ է ի սար 'լ ի բըլուր:

Ժ Դ .

Այս ասընտրիս վըրայ թող մանկան գըլուխըն ապրի.
Շատ չար ու բարի, աղբա՛ր, թող մանկան գըլխէն անցընի.
Չարին համբերել պիտի ինչ որ գայ բարին հասանի.
Ով խուսան ի սիրտն առնու, քանց իր օրն յառաջ մեռանի:
Խուսան շատով ցաւ կ'առնէ, ի ցաւէն մարդըն մեռանի.
Սիրտըն զինչ հասրաթ ունի, ամենէն մահրում կու լինի:

Ժ Ե .

Ով ողորմութիւն անէ, ի յանդէ՛նըն մուլք կու շինէ.
Մըշակըն Զրիստոս կուտայ, ան պահըն մուլքին կատարէ,
Ծառ մի դըրախտէն կ'առնու ան մուլքին մեջըն կու տընկէ,
Ջուր անմահութեան կ'առնու, ան ծառին տակէն կու բըխէ:

ԵՐՐՈՐԴ ՏԱՂԱՇԱՐՔ

Ա .

Մահալօքս ի վար կուգ՛ի, նա տեսայ չոր գանկ մի պառկած.
Ոտօքըս թափալ տըլի, նա երեսս ի վայր ծիծաղաց.
Դարձաւ պատասխան երեստ՝ «Ի՛նչ կ'անես, կըտրի՛ճ շըփացած.